

24. marts 2015

**Akuunerulersitsinissaq pillugu Naalackersuisut nalunaarusiamik saqqummiussinissamut Inatsisartunit suliakkerneqarnissaannik aalajangiinissamut siunnersuut. Nalunaarusiami ersersinneqassaaq inatsisartut oqaatsit pillugit inatsisaanni § 5, imm. 1 naapertorlugu kalaallisut oqaatsinik ilinniarnissamut pisinnaatitaaffik qanoq sunniuteqarnerseq, sunniutaalu naammaginartutut isigineqarsinnaanersoq. Taamaangippat sunniutaasup amigaataanerani naammaginanginneraniluunniit aporfiit suunersut paasissutissiissutigineqarnissaat kissaatingeqarpoq. Nalunaarusiami oqaatsinik ilinniarnissamut pisinnaatitaaffiup inatsimmi § 5, imm. 2 tunngavigalugu nalunaarusiuunneqarnissaa tamatumalu qanoq pinissaa inassutigineqassaaq. Peqatigitillugulu nunatsinni inuiaqatigiinnut, kulturimut, ileqqunut, peqatigeeriaatsinut naleqartitanullu tunngatillugu assigisaanik malittarisassaqartoqarnissaanik pisariaqartitsisoqarnerseq nalunaarusiami naliliisoqassaaq.**

(Inatsisartunut ilaasortaq Juliane Henningsen, Inuit Ataqtigiit)

Akuunerulersitsinissaq pillugu Naalackersuisut nalunaarusiamik saqqummiussinissamut suliakkerneqarnissanut Siumumiit imaattumik oqaaseqaateqassaagut:

Siumumiit nuannaarutigaarput kalaallisut oqaatsit pillugit nalilersuisoqarnissaanik ujartuisoqarmat, siunnersuuteqarnerup takutippaa kalaallisut oqaatsitta, kulturittalu illersornissaanik pingaartitsineq salliutittuartaariqaripput.

Siunnersuuteqartup Akuunerulersitsinissaq § 5 imm. 1 aamma imm. 2 tunngavigalugit nalunaarusiortoqassasoq ujartorjaa malittarisassiortoqarnissaanik pisariaqartitsisoqarnerseq naliliisoqassasoq ujartorlugu, tamanna naapertuuppoq oqaatsit pillugit inatsisip suliarineqarnissaannut, aalajangiiffigisassatut siunnersuuteqartup saqqummiussai ilanngullutik qulaajaanermi misissorneqassasut Siumumiit inassutigaarput.

Taamaalilluni oqaatsinut inatsisip suliarineqarnerani ilanngullutik qulaajaanermi suliarineqartut saqqummiunneqarsinnaaqullugit.

Siumumiit taamatut oqaaseqarluta siunnersuummi qulaajaasoqarnissaannik Naalackersuisut peqquneqarnissaannik siunnersuut oqaatsinut inatsisissamik suliaqarnermut ilanngullugit qulaajaaffigineqarnissaat inassutigaarput, kinguneqaatissallu pillugit oqaatsinut inatsisip allangortinneqarnissaannut ilanngullugit saqqummiunneqassasut innersuullugit.

Siunnersuullu taamatut oqaaseqarluta Ilinniartitaanermut, Kultureqarnermut, Ilisimatusarnermut Ilageeqarnermullu Ataatsimiititaliamut aappassaaneerseqartinnani ingerlatinneqarnissaa innersuusutigaarput.

Suka K.Frederiksen, Siumut